

1. Forum o zapošljavanju mladih

Sarajevo, 13.06.2012.



www.yep.ba



Schweizerische Eidgenossenschaft
Confédération suisse
Confederazione Svizzera
Confederaziun svizra

**Swiss Agency for Development
and Cooperation SDC**



1. Forum o zapošljavanju mladih

Sarajevo (Parlamentarna skupština BiH, Plava sala)

srijeda 13.06.2012. (od 10:00h do 15:45h)

ŠTA JE FORUM?

Forum o zapošljavanju mladih je periodični jednodnevni događaj zamišljen kao prostor okupljanja svih vodećih aktera u oblasti zapošljavanja mladih u BiH koji ima za cilj da kroz razmjenu iskustva, međusobno upoznavanje, zajedničku analizu potreba i trendova u ovoj oblasti i koordinaciju djelovanja utiče na formulisanje učinkovitih javnih politika u ovoj oblasti kao i na povećanje zapošljavanja mladih. Forum se organizuje u sklopu Projekta zapošljavanja mladih (YEP).

Projekat zapošljavanja mladih (YEP) je započeo sa realizacijom 2008. godine. Implementira ga njemačka kompanija GOPA mbH u saradnji sa Federalnim zavodom za zapošljavanje i Zavodom za zapošljavanje Republike Srpske, a finansira Švajcarska agencija za razvoj i saradnju (SDC). Projektne aktivnosti su planirane u skladu sa potrebama zavoda koji su aktivno učestvovali u njihovom osmišljavanju i implementaciji.

U periodu od 2008. do 2011. godine Projekat je dao značajan doprinos pozitivnim promjenama na tržištu rada u BiH, a konačni rezultat prve faze je unapređenje aktivnih mjera na tržištu rada, čijim je sprovođenjem zaposlenje dobilo 1.521 osoba, a 2.888 osoba je prošlo različite vrste edukacija koje će doprinijeti njihovoj lakšoj integraciji na tržištu rada. Više od 100 mladih ljudi je dobilo stručnu i finansijsku pomoć da otpočnu vlastiti biznis.

Projekat u drugoj fazi značajno ulaže u razvoj infrastrukture zavoda za zapošljavanje, te bi u toku trajanja druge faze kroz implementaciju različitih aktivnosti zaposlenje trebalo naći preko 1.500 mladih ljudi. Infrastruktura se razvija prvenstveno ulaganjem u otvaranje klubova za traženje posla (ukupno 20) u okviru zavoda za zapošljavanje, ali i razvojem Oglasnih kancelarija, te uvođenjem sistema mjerenja učinaka.

ZAŠTO? POZADINA I RAZLOZI

Osnovni razlog za organizovanje Foruma jeste konstantan nedostatak institucionalnog dijaloga u oblasti zapošljavanja mladih u BiH.¹ Manjak komunikacije, a

¹ U Bosni i Hercegovini ne postoji niti jedno tijelo niti institucionalni okvir koji okuplja sve relevantne aktere u oblasti zapošljavanja mladih i kreira javne politike ili vrši koordinaciju aktivnosti.

samim tim i saradnje ne omogućava sinergiju, nadogradnju niti razvoj efektivnih politika i mjera u ovoj oblasti.

Također, danas postoji niz domaćih i stranih programa i aktera koji mogu ponuditi i primjere dobre prakse, korisne naučene lekcije sa jedne strane, a sa druge postoji opasnost da se njihovo djelovanje u određenoj mjeri preklopi i ne bude efikasno.²

Na kraju u svim tim programima bilo domaćim ili stranim učesnicima mladih gotovo niti ne postoji, što je suprotno evropskoj praksi, te generalno umanjuje učinkovitost mjera na terenu.³

Sve ovo nabrojano su dobri razlozi i argumenti da se kreira poseban prostor za redovnu komunikaciju i razmjenu iskustva svih relevantnih aktera, uključujući i mlade, kao i promociju mjera zapošljavanja mladih u javnosti.

Nije potrebno navoditi i druge razloge za Forum, koji su bili motivacija i za kreiranje YEP projekta, odnosno ogroman problem nezaposlenosti mladih (preko 58%)⁴, neuvezanost i neusklađenost obrazovanja i tržišta rada⁵, manjak preduzetničkog duha kod mladih⁶, nedostatak servisa i alata koji bi im pomogli u razvoju karijere i profesionalnoj orijentaciji, nedostatak osnovnih vještina i kompetencija za nalaženje posla⁷ itd.

² Programi: YEP (SDC/GOPA), YERP (UN-ove agencije, MDG Fond), Aktivne mjere zapošljavanja mladih entitetskih Zavoda za zapošljavanje, preduzetnički i biznis inkubatori, karijerni centri, NVO-i itd.

³ Princip „co-managementa“ u odlučivanju u javnim politikama jedan je od osnovnih principa Savjeta Evrope (Direktorat za omladinu i sport), kao i krovne evropske organizacije mladih Evropskog omladinskog foruma koji promovišu u zemljama članicama.

⁴ Istraživanje Analiza položaja mladih i omladinskog sektora u BiH, GTZ/Prism Research 2008. godine

⁵ CEPOS: Istraživanje o vezi između tržišta rada i obrazovanja, 2005

⁶ isti obrazac pojavljuje se u više izvještaja o mladima od UNDP-evog NHDR-a Mladi 2000- godine, UN-ovog Izvještaj o mladima 2003, GTZ-ovog: Analiza položaja mladih i omladinskog sektora 2008. godine, CISP-ovog o zapošljavanju mladih 2007. godine i dr.

⁷ Agencija za predškolsko, osnovno i srednje obrazovanje BiH: Draft izvještaj o ključnim kompetencijama mladih, 2011/2012

CILJEVI FORUMA?

- analizirati stopu i strukturu nezaposlenih mladih, potrebe i trendove na tržištu rada, upisnu politiku i vezu između obrazovanja i tržišta rada, pojedine mjere i programe zapošljavanja mladih kao i njihovu učinkovitost;
- povezati ključne aktere, kreirati pozitivan ambijent za njihovo upoznavanje i identifikovati konkretne mogućnosti za bolju koordinaciju i sinergiju među njima;
- mapirati i promovisati primjere dobre prakse u oblasti zapošljavanja mladih;
- ponuditi i dodatnu edukaciju kroz uključivanje gostiju-eksperata iz BiH i van BiH koji mogu na bilo koji način pomoći u unaprijeđenju rada u oblasti zapošljavanja mladih;
- Informisati širu javnost o svome radu, rezultatima i temama koje se obrađuju.

KO ČINI FORUM?

Svi akteri koji imaju bilo kakvu vezu sa temom zapošljavanja mladih!

Osnovni princip rada Foruma jeste „otvorenost“, „inkluzivnost“ i „transparentnost“ što znači i mogućnost da bilo koji zainteresovani akter pristupi radu Foruma. Najkraće rečeno riječ je o predstavnicima nadležnih institucija, privatnog sektora i civilnog društva, akademske zajednice, međunarodnih organizacija, mladih lidera i organizacija, kao i medija.

Organizacija Foruma:



YEP:

GOPA predstavništvo u BiH
Adresa: Ljubljanska 34, Sarajevo
Tel/fax: 033 222 703

www.yep.ba

Kontakt osoba: Ranko Markuš



OIA – tehnička podrška u organizaciji Foruma:

tel/fax: 033 209753

e-mail: oi2@oiabih.info

web: www.oiabih.info

web portal: www.mladi.info

FB: www.facebook.com/www.mladi.info

PROGRAM

Srijeda, 13.06.2012. (Plava sala, Parlamentarna skupština BiH)	
09:30 – 10:00	<i>Dolazak i registracija učesnika</i>
10:00 – 10:25	Zvanično otvaranje foruma i dobrodošlica: <ul style="list-style-type: none"> ▪ Andre Schaller, ambasador Švajcarske u BiH ▪ Sredoje Nović, ministar civilnih poslova BiH
10:25 – 10:40	Uvod u 1. Forum: Koliko košta nezaposlenost mladih?
10:40 – 11:05	1. panel: Kontekst i trendovi u nezaposlenosti mladih <ul style="list-style-type: none"> ▪ Milko Čolaković, direktor Zavoda za zapošljavanje RS ▪ Kenan Rešo, direktor Federalnog zavoda za zapošljavanje ▪ Adnan Delić, direktor Agencije za rad i zapošljavanje BiH ▪ Moderator: Jan Z. Kulenović, direktor OIA BiH
11:05 – 11:30	Odgovor privatnog sektora: Nezaposlenost mladih i poslodavci <ul style="list-style-type: none"> - Mladen Kostić (Alfatherm) - Suhad Ećo (Inside by Ećo) - Radovan Pazurević (Sanino)
11:30 – 11:50	<i>Pauza za kafu</i>
11:50 – 12:00	Video o globalnim kontekstu i izazovima budućnosti
12:00 – 13:00	Centralni Forum: <ul style="list-style-type: none"> ▪ Agencija za predškolsko, osnovno i srednje obrazovanje (APOSO) ▪ Komisija za upisnu politiku RS ▪ Posao.ba ▪ Agencija Spektar ▪ Predstavnici poslodavaca ▪ Predstavnici mladih Glas mladih: Komentar i lični primjeri
13:00 – 13:50	<i>Ručak</i>
13:50 – 14:50	Primjeri dobre prakse: Pregled aktuelnih projekata u oblasti zapošljavanja mladih <ul style="list-style-type: none"> - Klubovi za traženje posla (Job club) - FZZZ: Mladi podzetnik i abeceda karijere - Prilika Plus - Centar za stručno osposobljavanje i edukaciju Bihać - Mobilna jedinica Posao.ba - OKC: Sajam zanimanja - Srednja škola Tešanja: Saradnja sa privatnim sektorom - Srednja ekonomska škola Sarajevo: Razvoj poduzetništva - OIA: Projekt „Aktivni mladi“ u 17 gradova u BiH - StartUp Business Weekend Banja Luka - GEA: Studentsko preduzetništvo (Banja Luka, Mostar, Sarajevo) - Designgoods Sarajevo - RTRS/RARS: Moj biznis
14:50 – 15:30	Radne grupe: <ol style="list-style-type: none"> a) Kako unaprijediti institucionalno partnerstvo u oblasti zapošljavanja mladih? b) Šta može uraditi država (obrazovne institucije, zavodi, vlada...)? c) Šta može uraditi privreda i privatni sektor? d) Šta mogu uraditi nevladine organizacije i mladi?
15:30 – 15:45	Završni panel: Zaključci i naredni koraci <ul style="list-style-type: none"> ▪ YEP/GOPA Ranko Markuš ▪ Komisija za pitanja mladih BiH